

欽定戶部漕運全書

錢糧事例

一豫省嘉慶元年應徵漕糧欽奉

恩旨輪免所有通州所幫船應扣一半乾隆六十年未奉文停運之先領過月糧米石因該幫現年並無應領本色米石題准於嘉慶二年承領本色月糧米內扣還清款

一倉場侍郎奏調劑大通橋及石土壩經紀車戶案內議准將祿米南新舊太海運北新富新興平太平萬安裕豐儲濟等十一倉應領茶果

項下放米制銀每石二釐停其支給又大通橋車戶津貼各倉收米箇兒錢文亦停其給發卽於大通橋應領銀內按數扣出每年共可得銀六千餘兩一併留貯通庫作爲排造撥船修理號房挑挖護城河之款嗣後毋庸車戶經紀等借款坐扣以免拖累仍令遇有修理號房挑挖護城河應需工料銀兩切實估計報部覈給至各倉花戶人等少得制銀箇兒錢文不無拮据查各倉放米例有應得領米人個票錢文乾隆

五十九年議定每石制錢二十八文嘉慶四年
奏減八文嗣於嘉慶五年奏明定爲二十四文
在領米之人所費無幾而各倉多此數文以之
分抵放米制銀及津貼箇兒錢文亦屬有盈無
絀其本裕豐益恩豐中倉西倉等倉仍照舊辦
理至大通橋排造撥船向來每隻祇給料價銀
一百三十兩實不敷用議准加增銀七十兩又
土壩車戶等應扣借支各款銀一萬七千餘兩
內除修理號房排造撥船未扣銀四千八百餘

兩應仍照例勻扣外其辦理陸運露囤及透支
賠修各案未完銀一萬二千二百餘兩查非例
應坐扣之款責令歷任倉場侍郎坐糧廳各員
按其在任月日認賠歸款

嘉慶五年

一大通橋車戶挪用應贖局錢除車戶變產銀
錢覈抵外尙應分賠制錢四萬八千一百三十
二串六百一十三文又大通橋借支置設官車
牲口及車戶長支未完等項應分賠銀一萬四
千一十二兩四錢四分七釐又另案土壩車戶

借支陸運露國賠修透支未完各款應分賠銀
一萬二千二百四十五兩二錢三分按照歷任
借給之倉場侍郎坐糧廳大通橋監督等員在
任年月日期分別承辦該管按七成三成逐款
認賠造冊咨送戶部照例著追嘉慶五年
一嘉慶五年戶部覈議倉場侍郎議覆額勒布
條奏南北丁役情形一摺奉

旨軍糧經紀名下因露國借支未完銀一萬四千七百
餘兩係因從前糧船到遲沿途截卸辦理露國所致

長支尙屬有因著加恩全行豁免至該經紀等透支
腳價長支口袋等項銀十二萬一千餘兩與辦理露
囤之案不同自未便一體豁免但當調劑漕務之時
若仍令照原限坐扣恐丁力實有不逮所有軍糧經
紀應扣未完銀一十萬一千四百餘兩著加恩於原
限外展限三年白糧經紀應扣未完銀一萬五千四
百餘兩土壩車戶應扣未完銀四千八百餘兩均著
加恩於原限外展限五年勻扣俾該役等得項較多
得以從容辦公等因欽此

一倉場侍郎達慶等奏准大通橋車戶照例價

於應領腳價內每卯扣存銀七百二十五兩抵

給官豆一千石按卯覈計割倉支領

嘉慶七年

一收買各幫交賸餘米價銀咨准照經放辦買

物件之例每庫平一兩扣平銀三分六釐作市

平支放在於通庫內照數兌給

嘉慶八年

一大通橋車戶承辦官豆價銀原係奏明查照

乾隆五十五年之案解部交納嘉慶八年因通

濟庫收放銀兩實不敷用咨准免其解部嗣後

金匱要略卷之二十一
輕齋足敷應用之年豆價仍行解部

一通州所協運豫省船隻如遇停運之年領過

修艖月糧銀米除將停運應支減半月糧扣抵

外准分作二年扣還

嘉慶十一年

一各省解通輕齋銀兩係支放運役腳價及一

切經費之用用過銀兩年終報部覈銷如有盈

餘仍令解部儘不敷用准其於部庫支領俟來

歲輕齋到通除一年支銷外儘數解部歸款

乾隆

五十四五十五六十等年嘉慶八九十十一
等年節因輕齋銀兩不敷奏准由部庫發結

一浙江省嘉慶十二年截撥各幫應給經紀人等箇兒錢文倉場照例動墊緣各丁應扣款項甚多經漕運總督奏准分作兩年解還以紓丁力

一嘉慶十三年奉

上諭據達慶等奏大通橋車戶扣款銀兩懇恩遞緩一年一摺該橋車戶等辦理糧運其所領腳價銀兩因扣項稍多一時無力清款自係實在情形除回費一項未便停緩仍令追繳外其逾額掣欠一項著加恩

卽照所請准其將十二年分應扣銀一千六百兩遞
緩一年於應得腳價內按卯扣交清款以紓役力等
因欽此

一漕船抵壩稽遲必須回運兼施石壩露囤米
石運進京倉所有備辦席片葦把繩索及起囤
人工夫價經倉場奏明每石給銀四分太平倉
暫貯米石出入各費比石壩較省奏明減半酌
給均於橋壩辦公項下動用

嘉慶十
三年

一嘉慶十四年石壩及大通橋沿閘被雨浸淫

不堪食用米八百餘石又揚州頭幫灰暗米六百餘石責令旗丁易換食米交納該經紀仍將原米起卸此二項米石責令經紀換米賠補因該年各幫委無餘賸好米無可買補奏明按照例價每石粳米以一兩四錢折銀交納

一湖南頭二三等幫漕糧寄囤淮揚按加二五洪斛交卸并將該丁等未行程途銀米作爲搭運津貼之費應交楞木席竹係該丁等上年攜帶完納所有二五洪斛內三升八合餘米價銀

尙未具領嗣因茶果等項錢糧無力完繳於嘉
慶十四年咨准給領

嘉慶十五年山東巡撫吉綸議准給事中史祐
條奏二款列後

一山東省漕糧抵通交卸各丁應領餘米價銀
向由通濟庫給發恐書役等勒索滋弊准於本
省州縣應解輕齎銀內扣留給發旋據倉場奏
准仍由通濟庫支領以歸畫一

一山東省各幫運丁交納本倉茶果銀兩不免

加增平飯若隨同輕齋並解水腳等項未便開
銷耗羨議准道庫封存徑由道押運抵通時帶
交

一倉場詳查歷年未清庫款案內經紀車戶等
預支短交銀兩奏准分年勻扣其續追逾額掣
欠銀兩再行併追未免無以辦公復經奏准於
前案銀兩扣完後再行分年接續扣繳以紓役
力

嘉慶十
五年

一修理工土兩壩號房倉場侍郎奏明動支輕

齋銀兩經戶部以輕齋銀兩係專備轉運漕糧之用不應稍有動缺嘉慶五年奏准扣存橋壩辦公銀兩專爲修理號房等項而設旋因露囤米石先後在於辦公項下支銷是以修理號房無項支用議令嗣後橋壩辦公扣存銀兩遇有修理號房排造撥船挑挖護城河三項准其動用設有露囤倉場侍郎自行籌款奏明辦理不得動用橋壩辦公銀兩庶以後橋壩辦公項下數年積有盈餘前動輕齋可照數扣還原款以

歸覈實

嘉慶十五年

一因費銀兩若因糧船沿途行走遲滯至於露
囤者應責令督運糧道等官賠繳若到壩以後
轉運不及至於露囤者責令運役扣還乾隆五
十三年因東省漕船遲到三箇月以致江浙軍
船阻壓至於露囤經前任倉場侍郎奏准將囤
費銀兩責令東豫二省糧道及有漕州縣押運
各員扣還歸款嘉慶十五年石壩太平倉囤貯
米石因上年山東運河水淺南糧軍船回空凍

阻本年北上之時又因東河無水淺阻因而江浙兩省幫船到通過遲不得不多囤米石並非通壩運役人等轉運不及所致經倉場侍郎奏奉

諭旨本年江浙兩省幫船到通過遲不得不多囤米石皆由上年東河水淺歸次已遲本年又因六月以前東河缺水淺阻多日所致著戶部查明該省河員等在任月日將此次囤費銀一萬二千三百四十九兩二錢八分著落分賠歸款欽此

一北倉截貯米石轉運到通所需撥價等項銀兩向由通濟庫墊發在於截留各幫運丁應領新運錢糧內扣解歸款嘉慶十六年因湖廣江西兩省上年截貯米石津貼撥價等項銀兩尙未解到北倉起運米石刻不容緩通濟庫正值辦理新漕無款可墊奏准先於天津運庫暫借撥銀五萬兩以資起運俟江廣津貼撥價解到卽行還款

一嘉慶十六年通濟庫輕齋銀兩因橋壩辦公

等項墊款過多致不敷用奏明於由關項下墊放銀四萬兩俟輕齋餘存卽行收回歸款嗣後應動橋壩辦公之款不准再借輕齋致滋牽混至通壩露囤通倉暫貯等事除南糧到通較遲起卸不及恐誤回空准其動用輕齋奏明酌辦外如果漕船依期早到又無脫幫等項事故橋壩轉運本屬從容或因坐糧廳及大通橋監督等兌收起運稽延致有露囤暫貯等事所有請添腳費不准開銷度輕齋一項不至濫行支墊

足供轉運之需無煩借動別款

一東省濟寧後幫運通漕糧內找撥經紀車戶
承辦黑豆倉場咨准照薊糧之例所有旗丁應
交茶果銀兩一律交收另款存貯造入通濟庫

奏銷報部備用

嘉慶十八年

一倉場奏准輕齎未發項下有應解部庫各款
銀五萬六千七百餘兩若按數解還則年內支
放先漕一切事宜均形支絀請將應解銀兩存
留通庫毋庸另借部款俟支用後覈實報銷

嘉慶

十八年

一浙江湖州等六幫由楊村寄撥抵通應給箇兒錢文經倉場奏准於通庫輕齎項下墊發今

冬扣解還款

嘉慶十年

一北倉截貯米石轉運時約須撥價等銀明春起運通庫無款可墊經倉場奏准援照成案於長蘆運庫借支銀六萬五千兩臨期撥赴北倉應用俟湖北江西二省撥價解到時歸還原款

嘉慶十

九年

一西中二倉撥給直屬兵糈五萬石前經倉場奏明照各旗支領俸米之例給與箇兒錢由通濟庫墊發嗣據直督咨准在於軍需經費項下

撥還歸款

嘉慶十九年

一嘉慶二十年臨清捫口軍船阻滯餽辦回空時起卸漕糧暫囤石壩計囤米五萬石需銀二千兩倉場奏准先於通濟庫墊發查照成案著落經管河員分賠歸款又襄河沿閘遇雨米石挑出發塊粳米七百五十三石責令經紀賠補

本年各幫無餘可買請照嘉慶十四年之例每石以一兩四錢折銀交納

一浙江各幫搭運湖南江西二省截留淮揚一帶米石未交茶果銀兩據漕督咨稱該幫搭運此項米石並未支領餘米簞夫等銀其茶果銀兩亦請免交戶部查茶果銀兩原爲各倉放米之需例應交納不得以餘米簞夫等銀未領遽請免交應咨漕督轉飭各幫按數交納

嘉慶二十一年

一嘉慶二十三年山東省應運直隸賑米三萬

石改運通倉應交倉茶果銀兩仍令按數交納
一幫船寄撥抵壩遇有借墊之款應照舊章詳
報總漕覈辦不得就近詳報倉場致滋朦混

嘉慶

二十
三年

一嘉慶二十四年奉

上諭那彥成等奏役力疲乏懇恩調劑一摺大通橋車
戶承運漕糧所領腳價向應扣出津貼各倉箇兒錢
以爲橋壩公用本年連次大雨道途泥濘該車戶等
添備車輛修墊道路所領運腳不敷辦公係屬實在

情形加恩著照所請准其將本年應扣津貼各倉箇兒錢計銀二千六百兩暫免坐扣以紓役力欽此

一倉場奏准倉茶果一項近年所收多不如額所有橋壩辦公銀兩遇有短缺卽借輕齋墊發輕齋不敷勢難再墊惟米折銀兩自嘉慶八年採買餘米動用後現存五萬餘兩可以酌提請將橋壩辦公銀四千八百餘兩暫以米折動撥

一俟茶果積有餘存仍歸原款支放

道光元年

一通濟庫收貯先漕預備銀兩不敷支用倉場

奏准將該庫浮存坐扣裕豐倉火燬廠座賠交銀一萬五千五百四十餘兩劃抵支用外仍請撥部庫銀四萬兩照例撥給

道光二年

一白糧飯銀麻袋變價每年約收銀一千二百餘兩爲西中二倉放米制銀暨各項因公之用拘抵倉廠亦於此項支取收少放多不敷支用經倉場奏准在米折項下提銀五千兩支放並請嗣後遇有不敷卽在米折項下撥用

道光四年

一道光五年倉場奏奉

欽定大清會典事例 卷之四
上諭浙江等幫例給經紀等箇兒錢文因該省糧道
督押尾幫未能隨時給發該經紀等先行墊辦力
有不繼援案請借項墊發著照所請准其由通濟
庫輕齎項下墊借銀五千兩給發該經紀等俾資
辦公仍飭催該省糧道趕緊解交歸款並嚴飭該
經紀等毋許向該幫船分外刁難需索有犯必從
重懲辦不貸欽此

一道光五年奉

旨博啟圖等奏幫丁茶果銀兩懇請緩交本年江廣

等幫盤壩接運沿途起撥拉淺需用過繁丁力未免拮据所有江西之廣信撫州永建吉安安福九江後袁州饒州九江前等九幫及湖南頭二三幫應交茶果銀兩除在通濟庫應領之簞夫羨餘等銀扣抵外尙不敷找交廳倉茶果銀四千五百七十八兩零著准其暫行緩交俾旗丁等及早回南接辦新運仍著該侍郎咨行漕運總督並飭江西湖南各糧道卽於今冬新運錢糧內照數扣齊委員迅速解赴通州以清款項至各幫糧米旣經截

卸北倉其帶交席竹松板著卽照例暫存天津俟
下年隨漕交納欽此

一道光五年奉

上諭百春等奏囤費銀兩請循例著落賠繳一摺本
年節逾霜降尙有滯漕一百三十餘萬石未能抵
通循例暫囤所有太平倉囤費銀兩該侍郎等請
援照成案著落原辦不善之張文浩賠繳此次軍
漕遲滯固由上年高堰衝塌張文浩辦理不善所
致而本年孫玉庭魏元煜顏檢嚴烜種種辦理錯

謬咎無可辭現在張文浩業經遣戍魏元煜亦已身故此項國費二千四百九十餘兩卽著責令孫玉庭顏檢嚴煥三人賠繳追解通庫歸款毋許延宕欽此

一道光六年奉

旨百春等奏浙江各幫應交箇兒錢請由通濟庫動墊並酌借江西各幫銀兩等語浙江嘉興等八幫本年應繳箇兒錢共銀八千七十三兩零因盤壩苦累無力措辦當由經紀等借墊茲經紀等應完

款項甚多勢難支持著准其援照成案先由通濟庫墊發其江西各幫漕糧交竣丁情拮据不能完公著准其照案減半酌借銀四千兩以紓丁力所有墊借銀兩著浙江江西各巡撫漕運總督於來年新運錢糧內趕緊扣解歸款該部知道欽此

一湖南各幫搭運碾動倉穀四萬石截卸北倉用東豫軍船轉運所有扣存油艚撥價銀兩抵作應給經紀箇兒錢文如尙不敷再在通濟庫

補足給發

道光六年

一玉田縣供應

孝穆皇后陵寢新設官員俸米既係赴通領取所有
幫丁應領應交款項及應交該縣席片倉場客
准均照舊遵豐之例辦理

道光七年

偷盜倉糧

一每歲漕船抵通民間販賣雜糧船隻皆不得

擁擠停泊土石兩壩其東關店房不准賣買稗

粟二米以防盜賣之弊

順治六年

一運河兩岸莊頭人等凡漕船過處不許近船

交通撥運人役儻有盜賣盜買事發該管官一

併懲治

順治八年

一凡漕糧進倉糾夥攔路截袋挖倉越牆偷米者舊例數滿三百兩擬絞監候秋後處決其不

至死罪者若係另戶人發黑龍江寧古塔等處披甲當差若係奴僕及民人發黑龍江寧古塔等處與新披甲之人爲奴至褲襖細袋裝米偷盜小賊拿獲卽於倉門首枷號四十日係旗人鞭一百係民人責四十板康熙四十四年題准攔路截袋挖倉越牆進倉偷米等盜拏獲至數滿三百兩者將爲首之人卽行處斬爲從者擬斬監候秋後處決不及三百兩者將爲首之人斬監候秋後處決不及三百兩者將爲首之人擬斬監候秋後處決爲從者在倉門口枷號三

個月另戶之人鞭一百發黑龍江寧古塔等處
當差奴僕鞭一百民責四十板刺字發黑龍江
寧古塔等處與新披甲之人爲奴其褲襖細袋
裝米偷盜搶奪袋內溜出之米各等小賊拏獲
審問是真俱在倉門首枷號三個月旗人鞭一
百民人責四十板被獲盜犯若係食錢糧之人
將本都統副都統各罰俸三個月叅領罰俸六
個月佐領驍騎校各罰俸一年領催鞭一百若
閒散人將伊父兄係官罰俸一年係平人鞭一

百若係家下人奴僕伊主係官罰俸一年係平人鞭一百若係民人將伊父兄責四十板

一漕糧抵通車夫運米進倉舊例掣少二升不令賠補雍正三年題定令倉場嚴飭該管各官及沿途兵役不時查緝如有用竹管插入口袋盜米者立即拏送刑部從重治罪短少米石照數勒追

一各倉人役取具連環保結每人給以腰牌一應出入責令監督逐名查驗倘有不實力奉行

以致偷帶糧米者事發將該監督一併叅處其
墻上偷盜之弊責令看倉章京督率坐堆兵丁
不時巡邏如有疎虞即將該章京交部議處

雍正

二年

一倉場皂役軍牢內選老成能事者二十名任
充番役倘有盜賣盜買等事許該役先行報明

以憑查拏

雍正二年

一頭役作弊許書攢稟明監督監督作弊許書
攢立行稟阻如不聽從許赴倉場衙門首告

雍正

五
年

一各倉米石少進多出以致虧空者將書攢頭
役照侵盜錢糧例比監督減一等治罪仍將所
虧米石着落監督賠六分書攢賠二分頭役花
戶賠二分勒限一年全完倘限內不完令地方
官估變家產賠補

雍正
五年

一五閘船頭偷挖米石乾隆七年奏准計所偷
米數以監守自盜論如爲數無多罪止杖懲者
枷責完結其犯徒罪以上者計贓照例治罪

一通州西倉被賊偷竊米一百七十餘石經倉場侍郎自行奏明加倍賠補還倉仍將該倉監督看倉章京一併請

旨交部嚴加議處又刑部領回被竊白粳米一石四斗

粳米二石七斗稜米四斗爲數無幾未便久貯

咨明先行開放

乾隆四十八年

一大通橋發運本裕倉官米被拉米民人王二等盜拐十六石全數起獲經軍機大臣審明將王二劉八馮二李二均發黑龍江給索倫達呼

爾兵丁爲奴面刺偷糧字樣仍先於大通橋枷
號兩個月示衆滿日發配到配後杖一百折責
發落馬六杖一百流二千里亦先於大通橋枷
號一個月刺字發配折責安置王二劉八馮二
之父王見方劉永年馮五不能禁約子弟爲匪
均笞四十車頭趙崑經理不善車戶馬成林係
查道之人並未立時查拏杖八十站道人李五
王二並不在道稽查致拉米之車岔道行走杖
一百大通橋監督明保李之楷發運米石漫無

章程任聽車頭辦理殊屬非是照盜拐米十六石之數著落滿漢監督按照市價十倍繳價充公倉場侍郎不能先事覺察交部察議現獲米石領運歸倉所失口袋著落車頭趙崑賠補

乾隆

五十
八年

一監督明保李之楷應賠王二等盜拐洪斛稜米十六石每石作平斛米一石二斗五升按十倍計算照市價共賠銀二百五十兩於該監督應領秋季養廉銀內照數扣存坐糧廳歸入茶

果新收項下報銷

乾隆五十八年

一番役既有緝捕之責凡倉米出京及囤積回
漕等弊例當查拏若其子弟在倉充役自必表
裏爲奸嗣後禁止番役親屬充當花戶倉場侍
郎仍不時稽查如有前項情弊卽行嚴辦又各
倉關米時如有串通花戶挑挖好米加增斛口
應責成各倉監督及查倉御史嚴行查禁倘有
此弊一經查出除將花戶從重治罪外仍將該

監督及該御史照例分別議處

嘉慶八年

一各倉米石被竊該監督失察處分例內並未分別次數概擬以罰俸六個月未免無所區別經吏部奏准嗣後倉米被竊之案該監督不行查察應按其被竊次數分別處分如一次者罰俸六箇月二次者罰俸九箇月三次者罰俸一年四五次者降一級留任六次以上者降一級

調用

嘉慶十七年

一刑部奏偷竊南新倉米石賊犯李二等交部審辦等因查李二許五糾夥疊竊倉糧數在一

百石以下發極邊烟瘴充軍加枷號兩箇月爲
從之恒兒等二十犯准徒三年加枷號兩月蔣
大等代爲銷售各杖一百徒五年以上各犯俱
銷除旗檔照例刺字常文鑑與賊犯進倉捕鴿
杖八十係旗人鞭責發落起獲封貯米石錢文
分別入官除失察步甲徐三爲竊之該管官經
步軍統領衙門自請議處外至失察兵丁行竊
各該旗都統及叅佐領等應議職名交兵部分
別議處該管監督雖失察於前現據飭役將首

夥各犯隨同緝獲應否免議奏咨吏部照例辦

理嘉慶十八年

一興平倉已革花戶李遇春控告花戶祁烈等
私改官斛經倉場奏交刑部審辦嗣據訊明祁
烈與民人董崑相商令小甲徐成喚木匠徐八
將官斛改小用放甲米共剋減米一百五十石
李遇春知情貪利應允嗣因索錢爭控等情將
祁烈充軍董崑杖徒徐八杖八十枷號一月李

遇春杖八十該倉監督交部議處

道光六年

一鄭親王等奏拏獲行竊漕糧毆傷兵丁賊犯計偷竊漕糧十六石有餘並據抽查漕糧御史博桂等奏稱前後查驗米石均有短少請將偷竊賊犯嚴加懲治咸豐九年欽奉

上諭步軍統領衙門奏拏獲行竊漕糧毆傷兵丁之賊犯並御史博桂等奏駕掌起意偷竊毆傷兵丁各一摺王禿子杜大蘇六張四李二鎖高老孫禿子曾四並賀九馬四曹三楊大均著交刑部嚴行審訊在逃之賀五等仍著步軍統領衙門嚴拏務獲歸案審辦

欽此

一咸豐十年欽奉

上諭前據刑部奏船戶經紀人等偷竊米石分別從嚴
擬罪當令載垣彭蘊章覆覈具奏茲據載垣等詳查
例案從重定擬漕糧爲天庾正供顆粒皆宜珍惜該
經紀船戶人等輒敢于起撥轉運沿途任意偷竊甚
至用藥使水攪和舞弊一經查拏復敢糾衆拒捕實
屬目無法紀著照所擬嗣後凡經紀船戶偷盜漕糧
經兵役往拏輒敢拒捕者卽照前定賀九一案首犯

於審明後卽行處斬爲從各犯發新疆給官兵爲奴
遇赦不赦此外偷盜漕糧入已數在六十石以上者
首犯斬監候秋審入於情實爲從各犯發雲貴兩廣
極邊烟瘴充軍數在六十石以下二十石以上者首
犯絞監候秋審入於情實爲從各犯發邊遠充軍數
在二十石以下者首犯發新疆給官兵爲奴遇赦不
赦爲從各犯發近邊充軍其用藥使水灌米之案首
犯發新疆給官兵爲奴遇赦不赦爲從各犯發極邊
烟瘴充軍以上各項人犯所有家產俱抄沒入官至

因漕米犯案匪徒仍照刑部原議罪應枷杖者發雲
貴兩廣極邊烟瘴充軍徒罪以上發新疆酌撥種地
當差該部卽纂入則例永遠遵行至所虧米石應如
何分別賠補之處著該部查例具奏欽此

一同治二年欽奉

上諭倉場侍郎奏倉廩失去米石請將監督議處並據
查倉給事中奏請將監督等察議各等語本月十八
日夜間本裕倉西南牆隄有數人越出查驗失去和
米數石至二十日始據該汛兵役盤獲和米二石有

餘賊犯尙在逃未獲倉儲重地膽敢越牆偷竊米石
實屬肆行無忌該倉監督等既未能防範於前兵丁
盤獲米石又未將人犯並獲均屬疏失裕善司智及
該倉營弁等均著交部分別議處仍著步軍統領衙
門嚴緝贓賊務獲嚴辦不准一名漏網欽此

欽定戶部漕運全書卷六十七目錄

京通糧儲

霉變倉糧

虧缺倉糧

稽查偷漏

掃積抵欠

霉變倉糧

一嘉慶十四年北新祿米南新海運興平富新
等六倉存貯米石受潮霉變經吏部照例議處
一摺奉

上諭南糧運送赴通路途遙遠轉運維艱每年修治河
道動輒數百萬金全爲漕米而設其需費實屬浩繁
必須慎重收貯方可豫備支放坐糧廳草率驗收倉
官等又不加意護惜以致霉變朽壞不堪食用是將
小民正供所入棄如土苴其暴殄實爲可恨此次鑲

白旗支放甲米先據該旗都統等奏稱北新倉米色霉爛難於全數支領當經降旨派令大學士祿康費淳二人前往北新倉查驗續又另派尙書德瑛等六員同赴北新倉並祿米南新海運富新興平等各倉遍行查驗據伊等先後奏稱米色實係不純霉變者多將各倉米樣包封呈覽朕於奏上後又復特派軍機大臣慶桂董誥戴衢亨三人再行親赴該倉復加抽驗本日據慶桂等奏米色有甫經發變尙分顆粒者亦有霉變太甚現已結塊者所有各倉米色均與

德瑛等所進米樣相符豈有三次查驗朕尙不信必
曲法市惠保全此等無能之官吏乎是此項北倉運
京之米坐糧廳旣率行驗收而歸倉上廩之時監督
又不趕緊籌辦法補救以致本帶潮溼之米交春
蒸變日甚耗棄過多該倉場侍郎所督辦者何事而
該侍郎等尙稱該監督等收米上倉及坐糧廳驗收
均無不合且請此項變色米石必須照例按旗支放
於倉貯無虧竝恐鑲白旗一處不領別旗效尤請旨
飭令承領是不但毫無引咎之意且竟欲以此霉爛

之物充放兵糈不顧八旗生計強詞奪理是何言耶
同日據吏部奏上遵旨議處各員之摺除北新倉監
督靈椿和泰二員先已革職外所有米石霉變較多
之祿米倉監督觀保住趙玉南新倉監督祥慶廷璧
海運倉監督扎勒杭阿張侖齡興平倉監督珠隆阿
鄭裕國均著革職離任至部議該員等照例限一年
賠完卽准復還原職之處不足示懲將來賠完後亦
不准竟復原職俱著降一級調用如賠補不完照例
不准補用其霉變較少之富新倉監督麟祥范正容

亦均著照議降三級離任限一年賠完賠完後准復原職如逾限不完卽實降三級調用其各該倉所貯之米除原報可以支放者照德瑛等所議分成搭放外其原報堪可搭放之米德瑛等原議尙須篩颺者據慶桂等奏各倉廩座甚多著趕緊分廩曬晾加以篩颺可冀挑出堪用之米著交新任倉場侍郎等責成離任各監督仍均在本倉幫同新任監督督率花戶人等卽速妥爲設法辦理此項應賠米價爲數不貲如果伊等認真挑晾加意篩颺則不但米石不致

耗棄過多而分賠之數亦可減省且看伊等作何補救俟節賜全竣賠項有著再行覈辦至坐糧廳驗收米石是其專責今米石到倉之時卽有潮潤豈能辭咎禮部員外郎謝振定亦著照議降一級調用其在北倉收米轉運之坐糧廳玉輅該員旣在北倉辦理截卸及轉運事宜上倉之米現多潮溼豈能邀請免議竝著一體交部議處其大通橋監督福森住何蘭馥著照例降一級留任至達慶三任倉場侍郎上年由新疆辦事特行簡用來京原因其熟習倉場事宜

加以委任乃不知實心經理致多貽誤其咎較重部
議祇降二級調用尙覺過輕著降三級調用蔣子蒲
初任倉場侍郎卽於所管倉儲漫不經心著照部議
降二級調用均不准其抵銷欽此旋據吏部奏准將
滿坐糧廳王輅卽照議處漢坐糧廳謝振定降
一級調用之例降一級調用

一嘉慶十四年各倉霉變米石奏准著倉場分
賠二成坐糧廳分賠一成各倉監督分賠三成
花戶分賠三成經紀分賠一成定限一年完交

舊太倉米石霉變一體分成著賠奉

旨舊太倉米石霉變滿監督僧格業經叅奏革職漢監督劉澤雖調任海運倉此項米石貯倉亦曾經手應一併革職俟此項米石放竣土米價銀繳完再由倉場侍郎奏請開復欽此

一嘉慶十四年

欽派大臣查驗祿米等六倉朽腐土米一千五百餘石令倉場侍郎等按成賠繳其北新倉續經查出土米一萬一千餘石并復行查驗祿米南新海

運富新興平等五倉駁增土米五千九百餘石
共一萬七千餘石發交五城平糶所有變價不
敷銀兩著落經手花戶名下限三個月追交如
逾限不完卽行解交刑部監追治罪

一嘉慶十四年太平倉收貯北倉轉運稜米霉
變分別堪用著賠奉

旨太平倉收貯稜米前經戴均元等勒令該監督及花
戶等依限篩颺完竣茲據查明分別先行支放及分
廠另貯米石均照議行其不堪搭放之米並篩出朽

腐土米著照前議按成著賠定限一年如數完交將土米掃數出倉以杜牽混欽此

一嘉慶十五年萬安倉開放甲米該監督呈請展限經倉場查出該倉霉壞米石奏准除堪以食用者分成搭放外其霉壞米石責令該監督花戶等照例價分賠勒限一年完交仍將業經休致之監督等革去頂帶花戶枷號兩個月照例責懲

一白糧盤竣交新任監督收領後適遇大雨廢

厓滲漏續經霉變之米其霉壞在先監督出具

管收在後仍在舊任監督等名下追賠

嘉慶十六年

一嘉慶十六年倉場查出萬安倉黑朽豆石奏

請交部審辦奉

旨此案查出萬安倉藏壓黑豆至八千餘石之多該監

督等毫無見聞實屬溺職齊斌常泰均著革職交刑

部審訊其舞弊漁利之花戶頭役劉元泰先行另案

充徒著刑部提回歸案審訊在逃之花戶張貴恒楊

庭棟蘇亮三犯著交步軍統領勒限五日拏獲送部

至萬安倉霉壞豆石甚多方世德本係該倉花戶頭役前經犯罪發遣著一併行提審訊定擬具奏所有劉元泰張貴恒楊庭棟蘇亮方世德五犯家產著交步軍統領等卽行查抄此項霉壞米石應如何著落追賠之處著交倉場衙門查明議奏欽此又據查出該倉東西兩倉黑豆霉變實貯廩座多未鋪墊板片並奏准本年裕豐倉應放春季俸米改由萬安倉開放一次其霉變豆石俟定案後分別追賠嗣據戶部審明覆奏方世德劉元泰索得

使費京錢二千餘吊擬絞監候揚庭棟蘇亮張
貴恒均杖一百流三千里已革監督常泰在監
病故齊斌業已革職訊無染指應毋庸議小甲
郭興業杖八十枷號一個月方世德等所得錢
文照追入官逸犯王喜獲日另結其各廠霉變
米豆應聽倉場奏明辦理至署任監督海章阿
移咨吏部照例議處奉

旨齊斌身任倉監督於花戶勒索得贓毫無查察以致
留陳出新霉變米豆愈積愈多非尋常疎縱可比僅

予革職不足蔽辜著發往烏魯木齊効力餘依議欽

此

一戶部議准萬安倉成字廠收貯嘉慶十五年
分米石因頭停滲漏霑潤攪雜應令倉場將前
項梗米二千五百石估計成色發城糶變按現
在梗米市價將糶變不敷銀兩著落倉場侍郎
分賠二成監督分賠四成花戶分賠四成該倉
原收接管各監督交部議處

嘉慶十七年

一倉場侍郎奏准萬安倉巨字政字二廠藏壓

黑朽稜米並各廠霉變黑豆以及霉壞不堪豆
土經刑部訊明係花戶方世德等留陳出新掉
換舞弊所有該倉霉變黑豆估計八成者四萬
二千六百餘石四成者二萬三千二百石不堪
計成者一萬九千八百石按照市價每石大錢
一千五十文覈算除糶變外不敷豆價銀四萬
四千三百餘兩又黑朽稜米估計七成者二千
八百二十三石零四成者五千八百七十二石
零按照市價每石一兩四錢覈計除糶賣外不

敷稜米銀六千一百餘兩照嘉慶十五年成案
令失察滿漢監督分賠六成花戶分賠四成

嘉慶

十七年

一道光二年倉場奏倉廩被雨冲坍浸溼米石
奉

上諭北新倉廩座被雨冲淋坍卸致將米石浸溼一
千餘石之多該監督等未能先事豫防實難辭咎
所有浸溼米石著該倉場侍郎等於風晾乾燥後
確切查明尙堪食用者共計若干石分別搭放用

米其實在不堪煮食者卽著落現任該倉監督等各半分賠其廩座坍塌處所亦責令該監督等趕緊賠修完固以示懲儆欽此經戶部議奏奉

旨嗣後京通各倉遇雨水過大之年如有廩座滲漏著該倉監督豫行報驗趕緊苫蓋其情形稍重者卽著查照成案報部移貯空廩以昭慎重僅廩座被雨塌卸該監督等不先時報明致將米石泡爛除著落該監督等分賠米石並將廩座賠修外仍著交部嚴加議處欽此

一道光三年海運倉豆石霉變經戶部叅奏奉
旨戶部奏請飭查海運倉霉變豆石並將該倉署任
監督據實奏叅所奏甚是本年九月侍衛處應領
馬豆經戶部劄行海運倉開放該倉歷年土豆甫
於八月間報部發糶出倉其存貯豆石係本年三
月入倉自係一律完好何以侍衛處呈出豆樣霉
變不堪且經戶部將豆樣移送該倉查驗該花戶
於前項土豆內有無偷換攪和情弊屢經戶部行
催未據查明咨覆著倉場侍郎明白迴奏海運倉

滿漢署任監督俱著先行解任及該倉花戶等一併交刑部嚴審定擬具奏該倉存貯各豆著倉場侍郎會同查倉御史逐廠清釐咨部其侍衛處應領馬豆卽於該倉各廠好豆內照數給發若再隱飾迴護是自取咎戾矣至另片奏稱倉場衙門接奉戶部行查事件未據申覆者幾至二十件之多著倉場侍郎嚴飭承辦各員於十日例限內逐案聲覆以憑覈辦並查明承辦遲延各職名咨部照例議處嗣後若再如此疲玩必將該侍郎重處不

貸欽此旋據倉場具奏奉

旨和桂等遵旨將海運倉霉變豆石情形明白迴奏
各倉收貯米麥豆石均應一律乾潔海運倉本年
新收之豆既有潮溼該侍郎等於查驗時卽當奏
明駁回不應收貯乃不據實具奏率將潮豆貯倉
並自捐銀二百兩作爲挑晾之費向來無此辦法
可見該倉監督花戶等偷換攙和通同舞弊在所
不免該侍郎等或明知弊混故爲彌縫實屬辦理
不善和桂張映漢俱著先行交部議處俟定案時

吏部再行具奏該侍郎等覆驗各廩完竣卽將好
豆令侍衛處照數關支至該倉花戶盤驗豆石並
現當輪放甲米之時准其酌留數名在倉仍將應
訊人証解交刑部審辦欽此嗣經刑部將審訊大
槩情形先行具奏奉

旨前任坐糧廳升任副都統百春現任坐糧廳趙植
庭俱著解任交托津英和會同刑部歸案審訊並
著派委委員將已革監督雅隆阿曹松齡及已革
花戶李銳康阜押交署倉場侍郎博啓圖顏檢督

同該倉新任監督帶赴各廩照李銳供出各情節
詳細查驗有無攙雜及壓陳出新情弊據實具奏

欽此又據倉場將會同盤量確數據實具奏奉
旨博啓圖等奏盤查海運倉豆石數目該倉義字等
十五廩豆四萬一千一十八石七斗共盤出堪以
支放豆一萬六千七百五十一石不堪支放霉變
豆二萬五千八十三石覈與原貯數目尙有盈餘
其應糶未放生字廩土豆六千九百五十石僅盤
出豆四千四百一十九石計少土豆二千五百三

卅一石又盤出日字版不敷一成土豆五千一百石現據另廢分貯所有堪放豆石作何支放著交戶部覈辦至該倉土豆因何短少並寄變豆石因何至有二萬餘石之多著交托津英和會同刑部堂官嚴訊確情據實具奏欽此續經刑部會同審明奏請將李銳楊復興發往伊犁充當苦差仍監禁追贓入官完贓後刺字發配不准減等倉書周頤杖一百流二千五百里花戶康阜王順和彭成瑞杖一百流二千里交順天府監追限

內能否完贖分別辦理解任監督吉升阿革職
與已革監督雅隆阿一併發往伊犁効力贖罪
解任監督何元瀛革職發往軍臺効力贖罪已
革監督曹松齡總徒四年所得之贖照追入官
完贖後曹松齡照例免罪雅隆阿吉升阿何元
瀛卽行起解不准免罪趕車陳三等均杖八十
折責發落解任倉場侍郎和桂張映漢應請革
職坐糧廳百春趙植庭應請交部議處奉

旨此案已革海運倉監督雅隆阿及解任監督吉升

阿於花戶等放豆舞弊先向挑斥逮得錢後卽任
聽開放致該花戶等肆行無忌情節較重若僅照
例問擬准徒尙覺輕縱吉升阿著卽革職與雅隆
阿均發往伊犁効力贖罪解任監督何元瀛訊不
知私放豆石情事惟不能認真查察又得受花戶
錢文何元瀛著卽革職發往軍臺効力贖罪雅隆
阿等俱係完贖後卽行起解不准免罪已革監督
曹松齡訊無通同舞弊情事其受贖較少著照例
擬徒完贖後准其免罪解任倉場侍郎和桂張映

漢於該監督稟有受潮豆石輒令坐糧廳幫給該倉銀二百兩以爲挑晾之費已屬乖謬又於該倉花戶私放新豆至一萬五千餘石之多毫無聞見逮侍衛處不肯承領豆石經查倉給事中查出又不速奏究辦實屬昏愎本應照部議革職姑念尙無通同隱飾情弊和桂張映漢著加恩以六部主事用前任坐糧廳百春及現任坐糧廳趙植庭訊明收交海運倉豆石實係乾潔所給該倉銀兩亦係倉場侍郎主見惟聽從出銀究有不合百春趙

植庭俱著交部議處各同任聽候部議該倉霉變
豆石並著落該侍郎及該監督花戶等按成分賠
餘依議欽此

一海運倉霉變豆二萬五千餘石經戶部奏准
估計成色發城糶變按照現在市價將糶變不
敷銀兩著落倉場分賠二成監督分賠四成花
戶分賠四成按該員等在任月日及該花戶等
經手各日期勒限一年全數完交

道光四年

一道光四年倉場叅奏萬安倉豆石霉變奉

旨前任萬安倉監督現選山西蒲州府同知花尙阿著解任同該倉經手花戶一併交刑部嚴訊欽此
又據奏明該倉未經放完豆石攬雜難以開放
應咨戶部另行劄倉奉

旨前經博啓圖等奏萬安倉存貯豆石各旗因豆色參差觀望不領曾經降旨將該倉監督花尙阿解任同經手花戶交刑部審訊茲據博啓圖等查明該倉霉變豆石不堪支領者竟有一萬三千餘石之多自係花戶挪新掩舊所致實屬目無法紀著

刑部嚴行究辦至不堪支領豆石交戶部定價發
糶共不敷銀兩責令經手監督花戶按成分贖所
有未經領完豆石著戶部另行劄倉支放欽此經
刑部審明奏准花戶馬義秦忠壓陳放新得錢
使用准徒五年白玉璋孫瑞總徒四年均交順
天府追贓入官完贓後刺字發配不准減免滿
監督花尙阿得贓縱容發往軍臺効力贖罪家
人張二准徒五年所得錢文均追入官完贓後
卽行起解漢監督玉彬毫無覺察應行革職其

金匱要略卷之二十一
應賠霉變成色銀兩勒限追賠限內能否賠交
照例分別辦理

一道光四年南新倉拏獲賊犯吳大等並有舊
太倉商借豆石情事查倉御史張銘奏交刑部
審辦據刑部訊明吳大糾允鄧四等至南新倉
實係商同夥竊並究出舊太倉花戶甘津向南
新倉花戶私挪豆石各情弊先後奏准將舊太
倉前任監督英斌現任監督吉升保革職審訊
旋據審明英斌吉升保任聽甘津將倉豆新陳

攬和挪放以致積壓霉變均各得受錢文英斌
於調任南新倉後甘津向該倉借豆復與倉書
私商實屬縱容貪鄙將英斌吉升保發往軍臺
効力枷號一月滿日起解甘津刺字充軍俱追
贓入官倉書王均交順天府監追限內能否完
贓分別辦理賊犯吳大杖一百鄧四加徒一年
均刺字枷號四十日英斌家人羅喜杖八十失
察之倉場侍郎議處至各旗未領馬豆另行補
放該倉霉變豆石分別攤賠均由戶部辦理經

戶部議覆舊太倉霉變豆七千八百餘石據倉場委驗約計一成各處尙應領豆七千九百餘石於南新北新二倉如數給發其霉變豆石照本年海運萬安兩倉賠補成案以平斛按照市價折算發糶不敷銀兩著落倉場分賠二成監督分賠四成花戶分賠四成由倉場查明在任月日及花戶等收放各日期咨追勒限一年全數完繳

一道光五年倉場奏萬安西倉霜字廠黑豆浸

溼入石餘按市價計算折銀著落在倉值宿之
監督及值厰花戶均賠奉

旨據博啓圖等奏萬安倉猝逢驟雨豆石浸溼未能
先事豫防所有值宿之監督訥蘇鏗額著照例分
賠仍交部議處其不值宿之署監督王啓文著加
恩免議餘依議欽此

一道光五年戶部奏北倉有貯收買臺灣商米
據坐糧廳會同天津縣查驗各厰氣頭結成發
塊自四五寸至二三尺餘不等發塊之下米皆

潮溼至廩底會否潮溼結塊現在不能查看查
此項臺米入倉時本係乾潔倉場侍郎既未查
驗明確遽請遲遲監司收貯之員又不隨時盤
晾致令蒸變應俟盤查確數後照例查議按數
分賠奉

旨著交倉場侍郎直隸總督查驗具奏餘依議欽此
旋據直督會同倉場具奏親往北倉盤量止有
氣頭並無廩底實緣臺米一歲三熟受氣本不
堅足以十萬五千餘石潮嫩之米收貯半年僅

有氣頭九百餘石並非倉場侍郎起運不速亦
非天津縣收貯不謹請免察覈賠償奉

旨本日據蔣攸銛會同倉場侍郎博啓圖等議奏查
驗臺米分別起運完竣內稱連日盤量止有氣頭
霉變不可食之米九百九十二石零並無廠底同
乾潔米石數與原收漕斛數目相符亦非廠座滲
漏及偷換攙和之弊所奏均悉霉變之米雖有九
百餘石尙不甚多惟因臺米氣質不堅海運爰蒸
所以易於霉變何以止有氣頭反無廠底仍著蔣

攸鈺等確查明白覆奏其懇免倉場侍郎及天津
縣知縣察議賠償之處俟奏到時再降諭旨欽此
復據直督會同倉場奏稱臺米本多潮嫩復經
盛暑爰蒸卸米入倉之時先起艙面漸至船底
是廠底米石係由艙面起卸廠面米石轉屬艙
底受潮之米故無廠底而有氣頭請將現貯氣
頭霉變米石按照成色覈實估變等因奉

上諭蔣攸鈺等覆奏臺米霉變情形一摺據稱商船
將甫經成熟之米趕緊裝載航船而來本有潮潤

又經溼熱鬱蒸船底之米易於霉變現查明收貯
臺米實止霉變九百餘石統計原收十萬五千餘
石不及十分之一著照所請將此項米石按照成
色由坐糧廳覈實估變其霉變緣由旣非倉場侍
郎起運不速亦非天津縣收貯不謹所致俱著加
恩免其賠償該部知道欽此嗣據坐糧廳請將前
項氣頭霉變米石按照三成估變經部行令照
京倉成色稜米之例每石每成以制錢七十五

文出糶

一道光六年奉

上諭穆彰阿奏查明北倉存貯粟米變色數目及訊
出收米時潮溼情形一摺北倉存貯河南碾運粟
米五萬石前據申啓賢奏多有變色當交穆彰阿
確實查訊茲據查明黃色米二萬七千五百石內
有二千石米質尙好餘者色味已變受傷尙不甚
重其紅色黑色者一律霉變計共壞米二萬二千
五百石並究出該經紀等上年豫留四廩收貯此
米彼時米已潮溼並不乾潔以致霉變覽奏實堪

痛恨此項粟米由豫省碾運北倉上年收兌時有潮溼情形何以坐糧廳及該經紀等竟肯驗收彼時正值卸貯滯漕廩座不敷加用露囤何以豫留四廩以爲收貯此米地步顯有通同隱混情弊著倉場侍郎將上年驗收此米之坐糧廳監督查明叅奏並將經紀人等按名查拏解交刑部嚴審究辦無少寬縱欽此經刑部審明經紀于豐等收卸米石得受船戶贓錢以致粟米貯倉霉變將該經紀等分別問擬奏明奉

旨此案霉變米石除各經紀耗米業經戶部議抵外
餘著戶部查明數目照例分別議賠等因欽此嗣
經戶部奏前項應賠米四萬八千石變價銀錢
幾及二萬二千兩扣存天津道庫足以買抵粟
米一萬石又北倉經紀應得耗米七千石又海
運經紀應得耗米一萬六千餘石內有應扣掣
欠米石覈明後以三分之一抵補約計米四千
餘石除前項抵補外祇須籌備買米二萬六千
石覈明米數分別嚴追仍令寬限一年買補還

倉無著者卽於有著名下分攤歸補不准顯少
短少如有不完奏交刑部監追奉

旨戶部奏北倉霉變米石除將經紀應得各項耗米
業經賠補外請將海運入倉經紀應得耗米應行
給價三分之二併覈明全數抵補由應賠米之
經紀等自行給價歸還俱著照所議辦理其餘應
賠米一萬六七千餘石著倉場侍郎查明米數按
人分賠勒限一年照數全行買補還倉由倉場侍
郎咨報戶部戶部覆覈確實具奏如逾限不完送

交刑部監追治罪欽此

一大通橋霉變米石責令經紀按照時價賠補

旋據鄭親王等查明現在時價減於例價例價每石

每石折銀一兩四錢五城呈報老米時價每石一千四百文現在每銀一兩約換制錢二千五百文是每石例價應合制錢三千五百文上下每石時價祇合制錢二千四百文時價與例價比較少至制錢一千餘文若照時價折銀賠繳太覺輕減奏

經戶部議令凡倉場衙門賠補米石之案應查

明每石時價若干如時價輕於例價則按例價

核算如例價輕於時價則按時價覈算總須按

照價重之數責令賠交庶不致避重就輕而經紀等亦可知所警惕至稷粟麥豆均照此一律辦理奉

硃批依議行嗣後並著爲例欽此旋據該經紀等將應賠霉變米石銀兩全數繳齊經鄭親王等奏請寬免治罪欽奉

上諭端華等奏官役賠項繳齊懇恩寬免治罪一招大通橋經紀等應繳賠補霉變米石銀兩現經全數繳齊其應得罪名自應按律問擬惟據端華等奏稱該

役等此次承辦海運起兌事宜查無弊竇尙知愧奮
所有該經紀等應得徒罪著准予寬免嗣後不得援
以爲例該部知道欽此

咸豐四年

一經紀應賠在橋霉變平斛豆一萬八千八百
二十八石零按例價每石七錢二分五厘共應
繳庫銀一萬三千六百五十一兩零除將該經
紀本年未領工食等項銀共八千二百三十二
兩零全行扣抵外尙應交銀五千四百十九兩
零又應賠奉省潮涇粟米二千四百四石零按

現行市價一兩二錢四分共應折銀二千九百八十二兩零連前豆價共銀八千四百餘兩倉場奏該經紀等一時完繳維艱請將未完銀兩予限三年自咸豐六年起在於該役應領腳價內按年坐扣實銀二千八百兩零經戶部議准咸豐五年

一舊太倉花戶等應賠霉變不堪食用米四千五百七十六石一斗一升經戶部查例價輕於

時價

稗米例價一兩四錢五錢
城月報米價二兩五錢

應按照時價覈算

計賠銀一萬一千四百四十兩二錢七分零除
按估計成數每石糴變價銀四錢九分共糴變
銀二千二百四十二兩二錢九分零其不敷銀
九千一百九十七兩九錢八分零飭令花戶照
數賠補又該倉查出尙堪食用次米六千三百
二十九石估計僅敷八成責令賠補二成計應
賠米一千二百六十五石八斗又應賠虧短米
二十六石四斗三升三合九勺均按照時價覈
算計應賠二成米價銀三千一百六十四兩五

錢廚短米價銀六十六兩八分四釐零應由倉
場速飭花戶賠繳隨同糶變米價銀兩一併具

批赴部交納

咸豐
十年

虧缺倉糧

一嘉慶十四年五月奉

上諭據福慶許兆椿密奏通州中西二倉所貯白米多有虧短竝查明積蠹高添鳳私用花押白票裝米出倉兼令伊弟高二挂名大班番子以爲護符種種弊混當經特派侍郎托津福慶前往會同新任倉場侍郎玉寧戴均元詳細查勘茲據托津等具奏查得西倉地字廠短少白米七百餘石中倉法字廠短少白米四百餘石此外廠座尙多卽分起抽丈與原貯數

目多有不符約計一廠或短百餘石數百石千餘石不等米色亦有不純其中間有霉變現將高添鳳及伊弟高二伊子高廷柱等查拏到案訊明高添鳳確係積年在西倉經手事件之人奏明同其餘應訊甲斗花戶一併交刑部審辦其未查各廠請另行簡派大臣通行盤查等語天庾正供豈容稍有虧短乃竟有積蠹把持奸胥舞弊實出情理之外現在西倉存貯白米五十二廠祇抽查十二廠已短米八千五百餘石中倉存貯白米二十六廠祇抽查五廠已短米

一千一百餘石則其餘未經查丈各廩尙不知短少若干其高添鳳所供各廩牽算可以足數之言殊難憑信必須徹底清釐覈實辦理刻下正屬南糧抵通之時該倉場侍郎二人有查驗斛收等事恐難兼顧著派侍郎托津同劉鑑之桂芳副都御史秦瀛四人爲頭班侍郎福慶同左都御史周興岱侍郎潘世恩副都御史潤祥四人爲二班自二十四日爲始五日一班前往通州遞相更換將所查情形五日具奏一次玉寧戴均元二人於驗收新漕之暇亦隨時前往

會查至此項短少米石是否當日起仰時卽未上倉
抑係進倉以後另行偷盜出倉積蠹高添鳳兄弟父
子如何在倉盤踞以及其餘甲斗趙長安張連芳花
甲陳四等如何通同舞弊緣由著派軍機大臣會同
刑部嚴審定擬具奏其監督四人內宋調梅武忠安
二人在任已久著解任聽候傳訊其甫經到任未接
交代之監督圖敏布董興元二人著暫留該倉辦事
達慶蔣子蒲前於北倉霉變米石未能先事妥籌業
已分別降調今西倉中倉存貯白米虧缺短少積蠹

把持伊二人毫無覺察咎更難辭均屬溺職而達慶
曾經三任倉場侍郎其咎尤重不能姑容伊昨經賞
給三等侍衛派往葉爾羌幫辦事務卽著撤回革職
發往熱河効力贖罪蔣子蒲著革職福慶許兆椿到
任未久能將此等積弊訪查奏聞得以根究查辦尙
爲留心伊二人前因舊太倉米色霉變未經查明率
請支放交部議處有降二級留任處分著加恩查銷

欽此

一中西二倉白米虧短軍機大臣會同刑部審

明已滿倉書高添鳳甲斗張連芳在西中二倉盤踞多年肆行舞弊竟至虧短白米十餘萬石其多出斛面私出黑檔計贓均在三萬兩以上除該二犯家產抄沒外高添鳳令高鳳鳴高廷柱等出名應官該犯承辦倉事卽與主守無異與張連芳均照漕運糧米監守盜入已亦請斬監候例擬斬監候請

旨卽行正法監督德楞額玉通均聽信家人沈明張興等懇憑德楞額三次得受京錢一千七百串玉

通二次得受京錢一千一百串任聽該犯等在倉作弊於法實有所枉均應依枉法贓有祿人入十兩絞律擬絞監候係官員犯贓應請

旨卽予纒首攢典朱均聽從高添鳳私出黑檔分用京錢二千四百五十串應照監守盜一千兩以上斬監候例不准完贓減等擬斬監候該犯聽從舞弊贓數較多應請

旨卽行正法倉書潘章需索旗丁使費少收斛面計贓京錢一千餘串又得受高添鳳京錢四十四串

聽其私出黑檔應依枉法贓無祿人一百二十兩絞律擬絞監候已滿花戶魯五攬運白米因知高添鳳作弊挾制索加升斗並任意多裝計二千餘石應照盜竊糧運一百石以上絞監候律擬絞監候高鳳鳴高廷柱先後出名應官父子兄弟夥同舞弊僅於高添鳳斬罪上減一等擬流尙屬輕縱均應發黑龍江給披甲兵丁爲奴趙長安聽從高添鳳使令出名充當甲斗於高添鳳在倉作弊知情分用京錢二百串除照

監守盜計贓輕罪不議外應於高添鳳斬罪上減一等擬杖一百流三千里董和尚代高添鳳家支應訛索人等曹文炯代高添鳳經管堆房收發米石並入本合開米舖夥同濟惡均非良善之徒未便因其尙無贓私確據稍事輕縱曹文炯係生員褫革衣頂同董和尚於高鳳鳴等遣罪上減一等杖一百徒三年攢典趙鶴齡於宋均夥同高添鳳私出黑檔三次分用京錢七百串應照監守盜三百三十兩杖流例不准完

贓減等擬杖一百流二千五百里西倉攢典康
連茹陳瑞亭得受潘章分給高添鳳私出黑檔
錢一百三十串中倉攢典葉長春李國光得受
張連芳私出黑檔錢各一百五十串甲斗鄴三
因見張連芳需索錢文多出解面向其索分錢
二百串該五犯均計贓在四十兩以上應依監
守盜在四十兩照本律問擬准徒例不准完贓
減等各准徒五年沈明於宋均送給伊主德楞
額錢文從中侵用錢九百五十串張興於宋均

等送給伊主玉通錢文從中侵用錢三百串應
比依匪徒盜倉庫錢糧爲從一百兩以上滿流
例加等發黑龍江給披甲兵丁爲奴滿監督咸
忠家人段四向張連芳三次索要京錢一百串
漢監督宋調梅家人趙玉向潘章等索要京錢
二十串均應依長隨求索比照蠹役詐贓例段
四計贓在十兩以上應擬發近邊充軍趙玉計
贓在十兩應擬杖一百徒三年中倉書吏張繼
華於旗丁託其代雇人天多索錢文訛無聽從

私出黑檔等弊於法尙無所枉計贓京錢五百
餘串應依不枉法贓無祿人一百二十兩以上
罪止杖流例擬杖一百流三千里係蠹役得贓
應加等發黑龍江給披甲兵丁爲奴在倉工作
之李七起意糾夥越牆進倉鈞扇偷竊米石計
贓在一百兩以內應照匪徒盜倉庫錢糧一百
兩以下不分贓數多寡爲首例發雲貴兩廣極
邊煙瘴充軍周七白寶兒宋二趙九趙七王二
蘇禿子七犯均聽從李七鈞扇偷竊應以爲從

八十兩以下例各准徒五年以上各犯均照例
分別刺字在倉擡斛挖稍之宛二霍二崔大唐
大宛四孫老王二孔四陳老王大十犯均因得
受高添鳳張連芳資助錢文聽其指使應與高
添鳳抄沒時代爲照應家口喝斥圍看人等之
莊通均照不應重律杖八十加枷號兩個月滿
日折責發落高添鳳抄沒時其鋪夥劉大未將
鋪欠錢文呈出趕車人焦四禿子未將車輛呈
出應各照隱匿入官財物例擬杖一百折責發

欽定四庫全書
卷之七
落番役馬凱餽送高添鳳如意業已奉

旨降爲七品頂帶不准食俸並賣給高添鳳俸票之富
德安等均經奉

旨交部嚴加議處均毋庸再議又給與潘章等錢之旗
丁人數衆多且係被其需索應免提質該二倉
嘉慶十年以後歷任滿漢監督除病故外所有
訖明並未得贓之恒廉靈椿明知該倉土米不
敷運京並不即時稟報輒著落高添鳳張連芳
設法補運顯係有意彌縫未調梅董興元於高

添鳳私出黑檔毫無覺察均屬溺職應一併革職其已革中倉滿監督武忠安訊無得受贓私任內亦無私出黑檔應准開復仍與失察虧短米石之歷任滿漢監督一併交部嚴加議處竝與任內私出黑檔各員分別攤賠查倉御史有稽查監放之責於該犯等多出斛面私出黑檔等弊未能覺察應按在任年月及任內有無黑檔分別議處仍照例分賠查倉大臣向係倉場冊報該大臣覈對數目雖無收放之責亦屬失

於查察應交部察議該二倉該班兵丁於越牆偷米未經查拏應交該管營汛自行查明責革其該管各員弁一併查取職名照例察議

嘉慶十四年

一嘉慶十四年盤查西中二倉梗稔等米亦有虧短霉變攙雜奏准將攙雜米石另貯搭放其發塊米石係收貯不謹除覈明例准揭除氣頭廠底外其餘無從估計成色不堪糶賣同虧短米石一律分賠

一西中二倉虧缺白米十三萬餘石私出黑糧
米九千餘石戶部奏准該二倉自嘉慶三年奸
蠹充役起至十四年破案之日止按各該員在
任久暫分別銀數多寡令歷任倉場侍郎分賠
三成查倉御史分賠一成監督分賠六成并續
經查出虧短漕糧及霉變等米九萬餘石倉場
侍郎奏准自十一年米石進倉之日起查照白
糧一體按成分賠

嘉慶十四年

一舍阜看守倉門責司稽察西中二倉舍阜王

大等於高添鳳等肆竊米石毫無知覺復分用
倉書需索幫船使費倉書得受幫船錢文少收
斛面係屬枉法該犯等從中分用亦應照枉法
贓定擬王大等計贓各在五兩以上均應照枉
法贓五兩以上杖八十律杖八十無祿人減一
等杖七十再加枷號兩個月滿日折責發落
嘉慶十五年

一道光四年奉

旨博啓圖等奏續查出海運倉黍字地字二厥梗米

虧缺二千八百餘石之多從前該監督等如何接
收交代其中顯有情弊著刑部卽監提已革監督
雅隆阿曹松齡並革退花戶紀永祥李銳等嚴切
根究按律懲辦該倉各厥存米尙多必須逐一盤
驗並著戶部將米數較多之旗分割行該倉按月
接放甲米俾得迅速放結有無虧短隨時查明刑
部歸案辦理至新任監督係限兩月具結接受交
代此時正在查辦米石自應澈底清釐以後無從
弊混著准其暫緩結報以昭覈實欽此

一倉存米石花戶有攙和情事一經查出卽將花戶咨送刑部治罪飭令分別賠補並將該監

督從嚴叅處

道光二十年

一倉場侍郎及監督等應賠倉虧米石查明實係無力措繳准其以親友現任職官應領俸米繳票存倉備抵並准其白米八石以粳米十石

增收作抵

同治二年

一中西舊太祿米北新富新興平等倉虧短糧石麥豆經戶部先後奏明著落歷任倉場侍郎

統賠二成歷任監督及歷年花甲等各分賠四成勒限一年按照市價折銀賠補應賠各員除以本身應領本折俸米及指借現任職官應領俸票存倉抵交清欵並於限內交清之員毋庸議處外其完不足數及顆粒未交各員初次展限暫免議處再予限一年責令完交至遞次展限賠繳五成以上各員免其議處未及一成之員先行交部議處顆粒未交各員交部嚴加議處仍遞展期限一年勒令掃數賠繳至罷職身

故人員實係赤貧無力賠繳者令各該旗籍取具圖片印結呈報戶部彙題豁免其花戶甲斗應交四成賠欸由倉場侍郎一併按限著追治

二三六七九十
一十二等年

一富新倉虧短米石案內查出土稷米三千九百六十九石土和米一千九百十七石除倉場咨報估計羅變一成土稷米三百九十六石九斗外其餘無成可估之土稷米三千五百七十二石一斗土和米一千九百十七石歸入該倉

虧欠項下一併著落賠補

同治七年

一各倉存儲糧石遇有虧短情形先由倉場勒限賠補暫緩查叅仍一面咨明戶部於勒賠限滿時照該倉應存糧數儘款剗放放完無欠免予叅辦儻放不足數或勒限太遠均由戶部分別奏叅將監督嚴行懲處花戶查抄備抵送部

治罪

同治七年

一祿米北新富新興平等倉虧短米石經戶部奏明著落歷任倉場侍郎分賠二成按照糧價

折銀賠繳前任倉場侍郎宋晉除以俸米捐項
抵繳銀一萬一千三百六十九兩零計未完銀
一萬一千三百五十三兩零前任倉場侍郎鍾
岱除以俸米抵繳合銀一百五十兩零計未完
銀二萬二百二十八兩零均令依限措交嗣據
內務府奏欠交稅課各員認交修理

瀛臺三海等處工程銀兩奉

旨照交一免三章程辦理所有前任倉場侍郎宋晉
等各認交銀一千兩均應免欠項銀四千兩其

未完銀兩仍令依限措交完款以清虧項

同治十年

稽查偷漏

一石壩至大通橋開河一帶原設開官二員汛弁二員專司防河放閘等事向無巡查偷竊之責嘉慶十二年奏明各船運米時責成開官汛弁四人分段嚴密稽查如有偷米匪徒立即緝拏送官治罪

一石壩裏河運船駕掌向由地方官取保選募殷實良民充當如有駕掌偷米之案除將本人追米治罪外查取地方官簽派不慎職名咨送

吏部照依犯事次數量予處分

嘉慶十二年

一經紀專管外河起米到壩裏河轉運之事向由經紀雇募押米夫役一名轉雇縫袋夫役二名隨同駕掌遞運到橋該經紀等慎選親信妥實之人照料倘代役有通同作弊偷米情事除將偷米之人追米治罪外所偷之米不能追出卽在於經紀名下分賠

嘉慶十二年

一裏河運米除代役外責成經紀公保護送人夫二十四名取具甘結由石壩州判衙門驗明

存案給予執照准其查拏偷米匪徒送官治罪

嘉慶十

二年

一道光二十七年欽奉

上諭德誠等奏查出撥船夾帶攪米之物請飭嚴禁一摺海船商米用撥船運通經該侍郎等飭令坐糧廳細心查驗起出稻殼鋸末水藻等物訊係有小船售賣此物專爲攪和米糧之用現值糧運盛行此等棍徒販賣攪和之物大爲米糧之害弊端百出尙不止此亟宜嚴行查禁以清其源著直隸總督嚴飭天津

地方文武各官密訪嚴拏隨時懲辦至糧船入直隸境後及撥船協運各水手人數衆多詭計雜出凡有弊關漕米者均著該督飭委員弁隨時釐剔並責成專管撥船之丞倅認真查察從嚴懲辦以肅漕政而杜奸謀欽此

一道光二十九年欽奉

上諭抽查漕糧御史奏叅稽察不力之州判一摺據稱漕米由外河運至裏河均歸石壩過載如果該州判認真稽察何至過壩有涇米八百餘石之多難保無

句通賄縱等弊以後南糧接續抵壩轉運責有攸司
若不嚴加懲創流弊何所底止石壩州判任元著交
卓秉恬陸應穀嚴行審訊務得實情從重懲辦庶期
懲一儆百以清積弊而肅漕政欽此嗣據抽查漕糧
御史等奏嚴行審訊之員日久未能定讞等因
奉

上諭抽查漕糧御史聯福涂文鈞叅奏奉旨嚴訊之員
日久未能定讞一摺著改派文慶祁雋藻廣林查訊
明確定擬具奏卓秉恬陸應穀及倉場侍郎於特旨

交辦之案辦理顛預不以公事爲重均著交部議處
摺併發欽此旋據文慶等訊明具奏州判任元於經
紀孔廣義等涇米朦混過壩至八百餘石之多
漫無覺察雖訊無賄縱情弊實非尋常失察可
比請將該州判卽行革職以示懲儆經紀孔廣
義吳文玉姚湧川業經刑部訊明追賠擬徒應
解回倉場衙門查照原擬辦理順天府尹暨倉
場侍郎均交部照例議處等因奉

旨依議欽此

一各倉開放米石多有攙雜偷漏情形經戶部會同倉場奏准令管理倉務各衙門大小文武員弁恪遵定例實力巡邏儻有曠誤該管上司立即從嚴叅辦若一味瞻徇別經發覺即將該管各官分別從嚴議處

道光三十年

一戶部奏准海運米石撥船抵通時由倉場侍郎嚴飭坐糧廳認真查驗遇有潮溼米石倉場侍郎刻即親赴撥船驗有使水情弊訊明經紀拏獲者酌量情形輕重分別奏咨將船戶送交

刑部照例加等治罪如經紀通同舞弊將經紀一併送交刑部並令大通橋抽查漕糧御史如有潮溼米石卽行駁回仍將經紀送部照例加

等治罪

咸豐四年

一同治三年奉

上諭御史富稼奏運河一帶兩岸住戶多於院落間掘地窖藏竊銅米比戶皆然聚衆搶糧之案正犯聞拏遠避完案復歸怙惡不悛仍爲沿河之害其慣竊銅米賊匪雖經拏獲毛景等多名而竊藏之銅並未搜

獲今南漕尙未抵京請預除積匪以清河運等語著
鍾岱宋晉遴派員役實力搜查將窖藏一律平毀並
飭各該管營汛及沿河委員節節梭巡儻有棍徒夥
竊及攙雜浸灌等弊卽行嚴拏從重懲辦廳橋各役
如有與賊通氣者亦卽嚴究革懲以清積蠹而重運
務欽此

一 同治十年欽奉

上諭英元奏請飭營汛巡緝偷米匪徒一摺大通橋設
有上下號房二處積存已收未運之米上年八月間

竟有匪徒擁入上號搶掠經巡緝兵役齊往抵禦該處營汛置若罔聞實屬不成事體著步軍統領衙門飭令朝陽河陽二汛於上下號存米時實力巡查遇有匪徒搶盜米石一體嚴拏懲辦並將著名盜米之犯隨時訪緝務獲毋任溷跡等因欽此

掃積抵欠

一嘉慶十五年車戶轉運漕糧沿途掃收狼撒
米石篩淨粳米九百八石稔米二千三百七十
石由倉場奏准篩淨粳米抵交逾額掣欠篩淨
稔米除抵交逾額掣欠外尙有餘米歸入買餘
抵補額內掣欠項下坐派太平倉收貯作正支
銷

一嘉慶十六年據倉場奏本年車戶轉運漕糧
爲數較多口袋未免剝爛道路不無狼撒請將

號房及沿途拋撒掃收篩淨盈餘米石抵交車
戶掣欠部議奏准車戶額內掣欠稔米三千七
百餘石准其將掃收稔米抵補其抵贖稔米一
千餘石應請歸公至掃收粳米一千二百餘石
亦准其抵補粳米額內掣欠其餘抵補不敷掣
欠粳米分別照例賠補仍請

飭令倉場侍郎督飭監督等將口袋隨時修整俾免米
粒沿途拋棄儻有掃收米石無論多寡均照例
作爲土米發城糶賣不得再請抵補掣欠以杜

流弊

欽定戶部漕運全書

卷六十七 補積抵欠

四